

Penyelidik UMP cemerlang MTE 2015

UNIVERSITI Malaysia Pahang (UMP) memenangi sembilan pingat dalam Pameran Malaysia Technology Expo 2015 (MTE) yang berlangsung di Pusat Dagangan Dunia Putra (PWTC) baru-baru ini.

Pingat emas dimenangi pensyarah dari Fakulti Sains dan Teknologi Industri (FSTI), Dr. Essam Abdellatif Makky Saleh menerusi produk L-Asparaginase From Squid Cartilage Bone.

Penyelidikan ini menghasilkan produk anti kanser dengan menggunakan tulang sotong. Lebih menariknya produk yang dihasilkan bersama dua penyelidik lain, Tahira Batool dan Prof. Dr. Mashitah M. Yusoff turut dinobatkan penerima anugerah Best Award dari Korea.

Pingat perak pula diraih penyelidik daripada Fakulti Kejuruteraan Kimia dan Sumber Asli (FKKSA) yang terdiri daripada Dr. Mior Ahmad Khushairi Mohd Zahari dengan hasil penyelidikan OPF Biosugars: Renewable and Novel Feedstock for Poly (3-hydroxybutyrate) Bioplastic.



PENYELIDIK UMP bersama piawai dan sijil kemenangan dalam Pameran Malaysia Technology Expo 2015 (MTE) yang berlangsung di PWTC baru-baru ini.

Begitu juga dengan Dr. Mohammad Rizza Othman memenangi pingat perak menerusi projek E-APS : A Novel E-Management System For Systematic Management And Evaluation of Academician Activities serta Mohd

Najib Razali menerusi produk Sludge Oil Derived Base Oil (SODBO): Attractive SW Solution for Petroleum Industry.

Turut menerima pingat perak, Prof. Dr. Kamal Zuhairi Zamli dengan penyelidikan An Automated Tool for Generating MCDC

Compliant Test Suite. Prof. Madya Dr. Saiful Nizam Tajuddin menerusi produk Agarwood Booster Patch dan Dr. Gaanty Pragas A/L Maniam menerusi produk Novel Biodiesel from Biowaste.

Manakala pingat gangsa pula, disumbangkan oleh Dr. Natanamurugaraj Govindan menerusi penyelidikan Silver Nanoparticles Based Mouthwash Prepared from Commelina Nudiflora (Rumput Tahi Itik); AsNovel Oral Hygiene Product dan Dr. Gurumurthy Hedge menerusi produk Fast Photoswitching Isoflavones.

Naib Canselor UMP, Prof. Dato Dr. Daing Nasir Ibrahim berbangga dengan kelayaan penyelidik ini malahan UMP akan terus mempergiat strategi pengkomersialan untuk menghasilkan ciptaan yang lebih inovatif yang boleh dimanfaatkan dan menyumbang terhadap pembangunan negara.

Pameran MTE 2015 menyaksikan lebih daripada 500 pameran ciptaan dan inovasi dengan penyertaan daripada universiti, institusi penyelidikan, pencipta individu dan sektor korporat dari negara-negara Asia.